

勅脩甘肅通志

第十六册

卷之第二十四


祥異

卷之第二十五

陵墓

卷之第二十六

封爵



甘肅通志卷之第二十四

祥異

春秋書災異不書事應漢儒作五行傳後人頗議其拘

盛世多瑞格天育物甘省近年慶雲河清瑞穀瑞麥嘉祥屢見野慶豐收民歌樂歲往古罕觀志祥異

上古伏羲時龍馬負圖出於河在秦州三陽川

周孝王十三年大雨雹牛羊凍死江漢水 幽王二年

西周三川皆震涇渭洛竭 襄王四年十二月星隕

甘肅通志

卷二十四

祥異

一

於秦有聲 考王六年六月秦雨雪 顯王八年彗

星見於西方

秦始皇二十六年有大人長五丈足履六尺凡十二見

於臨洮三十三年彗星見

漢高帝元年十月五星聚於東井 惠帝二年正月隴

西地震 呂后二年正月地震羌道武都山頽 文

帝十五年春黃龍見成紀後四年四月丙辰晦日食

在東井十三度後六年四月己巳辰星熒惑歲星三

合於東井 景帝中三年秋七月天狗下六年冬十



二月雷霖雨 武帝建元六年五月丁丑晦日食在

東井二十三度元封元年五月有星孛於東井太初

元年夏關東蝗飛至燉煌 昭帝始元二年冬亡冰

宣帝地節元年正月有星孛於西方 元帝初元

二年二月戊午隴西地震 成帝建始元年十二月

乙卯月食鎮星星不見時在輿鬼河平元年四月己

亥晦日食不盡如鈞在東井六度三年五月乙亥天

水南山大石鳴如雷聞三百里野鷄皆鳴元延元年

七月辛未有星孛於東井 哀帝建平元年正月隕

甘肅通志

卷二十四

祥異

二

石於北地十六 平帝元始元年五月丁巳朔日食

在東井

後漢光武皇帝建武二十二年五月乙未晦日食在柳

七度近輿鬼二十九年四月武威酒泉蝗三十一年

七月客星見軒轅芒長三尺至次年二月二十二日

在輿鬼東北凡百三十日乃滅 明帝永平四年酒

泉大蝗從塞外入 章帝建初五年二月庚辰朔日

食在東壁八度 和帝永元五年二月戊午隴西地

震九年三月庚辰隴西地震十五年四月甲子晦日

食在東井二十二度 安帝永初元年八月戊申客
星在東井弧星西南二年四月甲寅漢陽城中火燒
殺三千五百七十人三年冬涼州饑七年四月丙申
晦日食在東井一度 順帝永建三年正月丙子漢
陽地陷裂六年二月甲申彗星在東井永和三年二
月金城隴西地震裂壞城郭室屋殺人五年五月己
丑晦日食在東井三十三度近輿鬼建康元年正月
涼州都郡六地震從漢安二年九月至四月凡百八
十日乃止山谷拆裂壞敗城寺傷害人物 桓帝建

甘肅通志

卷二十四

祥異

三

和三年四月丁卯晦日食在東井二十三度元嘉二
年金城言黃龍見允街延熹四年六月右扶風及涼
州地震永康元年五月壬子晦日食在輿鬼一度
靈帝光和六年秋金城河溢五原山岸圯興平九年
十一月有星孛於東井 獻帝初平九年十一月有
星孛於東井十七年十二月有星孛於五諸侯二十
四年八月大霖雨漢水溢

三國魏明帝青龍三年張掖柳谷口水溢涌寶石負圖

狀象靈龜立於川西有文曰大討曹詔頒天下又有

石馬七鳳麒麟白虎犧牛瓊玖八卦列宿孛彗之象
三年三月辛卯月犯輿鬼 齊王芳正始二年十一
月南安郡地震三年七月甲申南安郡地震六年二
月丁卯南安郡地震 陳留王奐咸熙二年八月有
長人見於襄武長三丈餘足長三尺二寸白髮黃衣
拄杖呼民王始曰今當太平

晉武帝泰始二年正月辛丑白虎見天水西咸寧四年
四月蚩尤旗見於東井太康九年四月隴西隕霜安
定旱傷麥 惠帝元康五年六月金城地震七年七
甘肅通志
卷二十四 祥異
四
月秦雍二州旱疫隕霜殺秋稼米斛萬錢 懷帝永
嘉四年五月枹罕羌妓產蛇夏蝗食草木牛馬毛皆
盡

東晉元帝大興元年四月西平地震二年五月祁山地
震 成帝咸和二年五月甲午朔日食在東井九年
正月隕石於涼州咸康三年八月甲戌月犯東井距
星 穆帝永和元年五月辛巳太白晝見在東井三
年六月月犯東井距星七年三月巳卯涼州大風拔
木黃霧下塵十二年六月庚子太白晝見東井升平

元年二月涼州城東池中有火四年四月始滅澤中
有火丁亥月掩井南轅西頭第二星十二月甲午月
犯東井五年八月涼州地震 帝奕太和元年二月
涼州地震水湧楊樹生松夏四月浩壘山隕 簡文
帝咸安元年西平地震 孝武帝寧康元年彗星見
自箕尾掃東井四月及冬不滅二年七月甲午涼州
地震太元十一年三月戊申太白晝見東井六月甲
申見輿鬼十二年冬涼州大饑人相食 安帝隆安
元年四月丁丑太白晝見東井五月龍見於長寧川

甘肅通志

卷二十四

祥異

五

麒麟游於緱羌是年武都郡前水中白龍升天義熙
八年七月己未月犯井鉞九年三月壬辰歲星熒惑
鎮星太白聚於東井十年日沒東井有白虹十餘丈
在南于日災在秦分十一年秋熒惑不見八十餘日
後出東井秦地大旱 恭帝元熙元年四月西涼地
震星隕

南北朝宋文帝元嘉六年西秦地震草木皆自反七年
西秦自正月不雨至於九月十二年正月涼有神投
書於燉煌東門曰涼王三十年若七年求之不獲

北魏高祖延興五年二月秦州地震六年五月癸未秦州地震有聲甲午復震有聲如雷十年二月丙午秦州地震 世宗景明元年六月庚午秦州地震四年正月辛酉涼州地震六月丁亥秦州地震正始三年七月己丑涼州地震有聲城圯永平元年正月庚寅秦州地震延昌元年十月壬申秦州地震有聲 肅宗熙平元年十二月乙巳秦州地震有聲正光二年六月秦州地震有聲東北引八月始平郡地開成井齊後主天統四年六月彗星見於東井

甘肅通志

卷二十四

祥異

六

後周武帝建德三年涼州地震瓌城郭地裂涌泉出隋文帝開皇二十年十一月大風發屋拔木秦隴壓死者千餘仁壽元年十月蘭州楊樹生松二年四月隴西地震 煬帝大業三年二月己丑彗星見於東井掃帝座百餘日乃止四年張掖獲黑狐

唐高祖武德元年冬涼州大饑六年秋夏州蝗九年五月太白晝見六月丁巳經天己未又經天 太宗貞

觀二年六月天狗隕於夏州城中八年七月隴右山

摧十七年六月己卯朔日食在東井十六度八月涼

州鴻池谷有石青質白文成字二十三年四月靈州

河清 高宗顯慶五年六月庚午朔日食在東井二

十七度龍朔元年五月甲子晦日食在東井二十七

度總章二年六月戊申朔日食在東井二十九度咸

亨元年六月壬寅朔日食在東井十八度上元三年

七月丁亥彗星見於東井儀鳳三年四月涇州獻二

小兒連心異體調露元年八月邠慶寧涇原五州霜

十一月壬午秦州神亭治北霧開如日初曜 武后

垂拱三年武威郡石化爲麩四年六月丁亥朔日食

甘肅通志

卷二十四

祥異

七

在東井二十七度長安三年六月寧州大水 中宗

嗣聖元年四月丁亥寧州大風拔木景龍元年六月

丁卯朔日食在東井二十八度二年六月癸巳太白

晝見東井 明皇開元二十二年二月壬寅秦州地

震壞廬舍殆盡壓死四千餘人天寶十三載六月乙

丑朔日食不盡如鉤在東井十九度 肅宗至德元

載十一月辛亥朔河西地震裂有聲陷廬舍張掖酒

泉尤甚至二載三月癸亥乃止乾元二年四月丁巳

彗見東方疾行歷東井與鬼柳凡五旬餘不見 代

宗大曆十年十二月丙子月出東方上有十餘道如
匹練貫井鬼柳十三年六月隴右獻貓鼠同乳 德
宗貞元元年春早夏蝗西盡河隴羣飛蔽天旬日不
息草木葉及畜毛皆盡餓殪枕道十年正月涼州奏
甘露降十七年五月壬戌朔日食在東井十度 憲
宗元和十三年六月癸丑朔日食在輿鬼一度 穆
宗長慶二年冬夏州大風飛沙爲堆高及城堞四年
三月庚午太白晝見經天七年九月靈州奏黃河清
從陝至定遠界二百五十里見底 懿宗咸通元年
甘肅通志 卷二十四 祥異 八

六月壬寅朔日食在東井十八度七年渭州有人生
角 昭宗天復元年自五月丁酉至於己亥太白晝
見經天在東井度八月己亥西方有白雲如履底出
白氣如疋練長五丈上衝天分爲三彗形下垂

五代晉高祖天福七年四月關西諸郡皆蝗大饑死者
十有七八

宋太祖建隆三年七月己卯夜西方起蒼白雲長五丈

貫天亘井宿乾德四年八月渭州范裕獻蓮一莖二

花開寶元年關西大旱饑 太宗太平興國二年五

月白龍見於寧州要冊龍廟池中三年四月秦嶺南
石洞自開得丹砂千二百粒獸形六八月涇州民田
產嘉禾雍熙二年正月壬戌有星出東井其大倍於
金星至輿鬼沒三年階州青龍峽山圯壅白江水逆
流高十丈許壞民田數百里至道二年十月靈夏環
慶等州地震城郭廬舍多壞 眞宗咸平三年三月
辛丑夜秦州大澤縣三陽寨大雨崖摧壓死六十二
人四年正月秦州成紀縣山摧壓死六十餘人七月
戊戌白氣如陣貫東井九月戊戌有星千數入輿鬼

甘肅通志

卷二十四

祥異

九

至中台凡一大星偕小星數十隨之其間兩星如升
器大至狼星一至南斗沒六年十一月甲寅有星孛
於東井大如杯景德四年七月秦州成紀縣崖圯壓
死居民大中祥符三年十二月夏州饑 仁宗景祐
元年九月己丑有星出東井如太白赤黃色尾迹向
東速行至柳至和二年九月壬午有星出東井如太
白赤黃色向北速行至文昌沒嘉祐五年三月甲午
月掩熒惑在井七度半 英宗治平元年二月乙未

夜蒼黑雲起西北方長五丈許貫東井四年十二月

庚戌夜蒼黑雲起南方長三丈濶二丈貫東井五諸
侯 神宗熙寧二年正月丙戌月入東井七年六月
熙州大雨洮河泛溢八年夏涇州大雨雹十年夏秦
州大雨雹 哲宗元祐七年九月蘭州地震十月庚
戌朔環州鎮戎軍地再震 徽宗政和七年六月熙
河環慶涇原地震經旬城砦關堡官私廬舍並皆摧
塌居民覆壓死傷甚衆宣和七年七月己亥熙河路
地震有裂數十丈者蘭州尤甚 高宗紹興四年十

二月庚寅望月食於井十一年三月庚申涇州雨黃

甘肅通志

卷二十四

祥異

十一

洩十二年七月丙午彗見東北井宿內十二月陝西

大旱涇渭灞澮皆竭民多饑死十五年六月乙亥朔

日食在東井二十六年七月丙午彗星見東井 孝

宗隆興元年六月庚戌朔日食在東井九年五月壬

辰朔日食在東井淳熙八年十一月丁亥望月食於

井九年十一月辛巳望月食於井十年階成西和人

乏食十六年夏成州亡麥冬階成西和涪饑 光宗

紹熙二年階成西和亡麥 寧宗嘉定五年夏陝西

大饑十二月壬子月食於井十二年十一月丙午望

元世祖至元二十二年二月太陰犯東井 成宗元貞

元年閏四月蘭州河清三日上下三百餘里六月環

州伏羌通渭等縣旱饑大德五年八月庚辰彗出東

井歷紫微垣天市垣自八月庚辰至九月乙丑凡四

十六日而滅十月癸未太陰犯東井十年八月開成

路地震瓌王宮及官民廬舍壓死五千餘人 武宗

至大元年六月丁酉隴西地震四年三月己亥寧夏

地震裂 仁宗延祐元年六月六盤山隕霜殺稼五

甘肅通志

卷二十四

祥異

十一

百餘頃二年夏五月乙丑成紀縣山移是夜疾風雷

電北山南移至夕川河次日再移平地突出土阜高

者二三丈陷沒民居四年六月己丑成紀縣山墮五

年二月丁酉秦安縣山墮五月隴西縣山頽七月戊

子寧遠縣山摧六年八月伏羌縣山墮 英宗至治

元年五月太白犯鬼宿積尸氣 泰定帝泰定元年

五月隴西縣大雨漂死者五百餘家二年四月伏羌

縣山摧四年九月壬寅寧夏地震致和元年七月辛

酉寧夏地震 文宗天曆二年正月鞏昌蘭州定西

州大旱饑至順元年八月隴西地震 順帝元統元年八月鞏昌徽州山摧至元三年三月河州大雪十日深八尺馬駝牛羊凍死者十九民大饑六年六月成紀山摧地坼至正三年三月鞏昌成紀寧遠伏羌等縣山摧水涌出人溺死者無筭十二年三月隴西地震百餘日莊浪定西靜寧會州尤甚會州公廨牆圯得弩五百餘張長者丈餘短者九尺人莫能挽十三年莊浪定西靜寧會州復地震二十三年六月太白晝見犯井

甘肅通志

卷二十四

祥異

三

明太祖洪武二年陝西大旱饑指揮徐呆廝出兵河套一日午間有火星墜於河中火發延及岸上營中有被傷者 成祖永樂三年寧夏產兩岐麥數莖五年二月戊午西和地震八年五月金州大水 宣宗宣德三年隴右大旱饑 英宗正統十二年寧夏產異馬白色拳毛夜行則火光見天順五年七月蘭州河水漲河州南山摧擁大夏河水數日不流 憲宗成化二年四月臨洮屬河州大旱饑人相食八年八月

漢水漲溢高數十丈城郭民舍俱淹沒十三年七月

鞏昌平涼諸州縣隕霜殺稼十八年寧夏白鼠晝遊
二十年寧夏豬生子如象羊生一羔八足二十一年
平涼鞏昌饑二十三年冬平涼鞏昌又饑 孝宗弘

治十四年正月朔平涼慶陽地震有聲如雷地裂湧
水自朔至望未已十八年臨洮府金縣產瑞麥一莖
兩穗者十餘本 武宗正德七年平涼有女化爲男
生鬚後生二子十二年金縣白燕遍於城野十六年
四月涼州衛忽見一星紅光如火隕於西南隨生白
氣天鼓卽鳴 世宗嘉靖元年夏寧夏地震有聲如

甘肅通志

卷二十四 祥異

十三

雷二年正月陝西地震三年九月會寧河州地震四
年臨洮獲兔二首四日七年慶陽平涼鞏昌大旱人
相食八年飛蝗蔽天臨洮莊浪固原秦州清水秦安
禮縣俱大饑九年六月鞏昌府雨雹傷禾十一年夏
慶陽大旱蝗飛蔽天八月彗星見東井十二年三月
肅州衛星隕有聲十三年閏三月洮岷地震五月慶
陽寧州大水溺死人畜無數十四年六月河州大雨
洪水河溢十數丈東西六十里滄溺軍民房屋人畜

無數二十三年秋八月秦州雞鳴山摧塞雞川水經

年不流二十五年夏清水縣弓門山裂深二百丈二十八年臨洮饑七月慶陽大水夾河兩岸二百里許廬屋貨市盡成沙磧溺死者萬餘人十月朔慶陽大雷電三十一年三月陝西大饑三十四年冬十二月陝西諸郡地震聲如雷山移地裂郡邑皆陷慶陽尤甚壓死無數三十五年五月慶陽黑雉見自山西漸至慶陽夜捕人作害民各鳴金逐之乃息三十六年慶陽民馮天福妻一產三男三十七年七月平涼慶陽雷雨秋禾盡損城垣廬舍傾圮殆盡死者甚衆四

甘肅通志

卷二十四 祥異

十四

十年寧夏固原地震裂逾月乃止 穆宗隆慶元年十二月西寧衛星隕有光從正北起往西南墜地二年三月陝西地震四月又震慶陽饑 神宗萬曆十年平涼鞏昌臨洮慶陽俱大旱饑十一年四月漢水溢十四年平慶臨鞏大旱十五年春大疫十九年慶陽大饑人相食二十七年七月臨洮鸚哥山摧三十年三月臨洮黃河水竭自歸德千戶所至河州凡二十七日大夏河水渾黑四月二十四日大夏河水又

清三十一年河州麥穗有一本五十莖一莖三四穗

者三十六年八月寧夏地震三十九年慶陽大饑四
十一年慶陽晝晦如夜無風飛沙竟日七月涇水暴
溢高數十丈漂沒民居商貨無算四十四年合省大
旱七月莊浪縣雷雨大作四十六年清水地震四十
餘日 熹宗天啟元年正月初一日夜半寧夏地震
如雷初九日又震二年九月隆德崇信鎮原靜寧真
寧地大震四年五月莊浪縣地大震凡十四晝夜山
摧地裂會寧有生子一身兩頭者關川里牛產雙麟
將獻之京師至西安城外死瘞之今城南有雙麟冢

甘肅通志

卷二十四

祥異

十五

七年慶陽荒人有饑死者

莊烈帝崇禎元年階州

靜寧州旱二年鎮原靈臺靜寧俱大饑人死甚衆十

一月天鼓鳴如雷四年冬至夜五鼓天震一聲如砲

火光迸裂落華亭縣如弓曲狀移時方沒五年三月

西和大風自北而南晝晦屋瓦皆飛六年冬十一月

西和地震七年二月文縣雨泥三月朔晝晦秋全省

蝗大饑冬全省地大震壞屋傷人無數九年三月寧

遠地震十年七月寧夏平涼大旱蝗飛蔽天禾穀立

盡十一年靈臺莊浪環縣等處蝗蝻食禾靜寧州黑

鼠傷稼十三年全陝大饑人民十死八九慶陽飛蝗
蔽天落地如岡阜十四年四月階州地震十五年正
月朔階州雨土泥四月靈州鎮原莊浪等處田鼠食
禾幾盡五月靜寧州夜雨次日曉蝦蟆滿城十六年
二月中夜半天鼓鳴如雷有星西流八月地震

皇清順治二年春太白經天見秦分廣武營等堡麥秀兩

岐三年正月太白經天見秦分八年十二月鎮原縣
梨生花九年三月莊浪縣見瓠瓜星芒耀西方歲大
稔七月秦隴大水十年五月臨洮雨雹八月莊浪衛

甘肅通志

卷二十四 祥異

六

果樹生花禮縣地震十一年靜寧州西河澄清六月
臨鞏平慶等處地震有聲如雷壞房舍壓死人民十
二年二月初旬大雨六十餘日平涼天雨蕎麥豌豆
莢之皆成紅水四月慶陽雪秦州降黑霜靜寧州有
異獸遊於西北野白質黑文時謂騶虞十四年三月
鞏昌雨雪中有穀菽種之成苗十五年慶陽稔十六
年慶陽大稔冬十一月莊浪縣杏生花結子如梅十
八年成縣生員王榜地內大麥有一莖三穗及四五

穗不等

康熙元年七月靜寧州大水三年六月秦州地震四年莊浪縣大有年五年秋涼州陰雨時行次年大稔斗米三分六年臨洮鞏昌西寧慶陽靜寧州莊浪縣旱饑十一月二十五日西寧汝塘川河水夜忽兩分人咸謂麒麟行七年古浪大稔斗米三分九月階州桃生花冬至後二日雷鳴八年徽州夏麥雙穗九月階州桃生花九年寧夏黃河水溢淹靈州南關居民十年階州鼯鼠嚙牛羊十一月清水縣有星墜於西北空中有聲十一年西和縣地震木門里數村滙爲

甘肅通志

卷二十四

祥異

七

巨浸徽州地亦震十三年五月寧遠有聲如雷擊一星爲紅石十五年階州地震十六年秦州南潮關竝蒂蓮數枝六月禮縣黑峪里麥秀三歧八月臨洮府天鼓鳴於西方聲如雷階州地震牆宇傾頽壓死人畜數月乃止十七年階州地震雨雹十八年惠安堡生員張璧家豬生八子皆有肉角四目三日五足者旋死十九年十一月朔臨洮見白氣自西指東後漸高下有小星月餘乃滅二十年六月秦州水月寺池崩竝頭蓮仙鶴至階州地震七月大雨江水漲溢衝

决堤岸入城傾屋千餘間二十一年秦州關帝廟生
五色靈芝二十二年寧州旱二十三年三月寧夏天
鼓鳴於西南寧州旱七月暴雨大作河水漲溢漂沒
田園城不沒者數版二十四年平涼靜寧莊浪大稔
冬平涼縣梨生花二十五年春涼州大雪連月是年
大稔二十六年六月寧夏地震成縣水雹大如鷄子
二十九年靖遠饑三十年崇信大稔三十三年靈州
民王邦彥妻一產四男三十四年平涼府地震六月
西寧寧夏大雨水溢三十六年平涼縣朱橋松家圍

甘肅通志

卷二十四

祥異

六

產靈芝一本高尺餘大如盤盂五色俱備三十七年
階州城南麥秀兩岐間有四五穗者三十九年鎮番
白亭海水潮丈餘井水泛溢四十年臨洮屬及靖遠
衛旱饑西寧民賈文舉妻一產三男四十一一年六月
涼州大雨雹傷稼四十二年靖遠鎮黃川麥秀兩岐
秦州老民李剛年一百四歲寧夏老民莫進忠年一
百二歲肅州老民于國良年一百歲高臺所民李自
友妻一產三男四十三年平涼府地震七月寧遠地

震山丹衛馬營墩兵杜養真妻一產三男八月真寧

地震九月安化環縣地震四十五年靜寧州通邊鎮
白楊開花狀類紅蓮四十七年三月甘州民邢掌妻
一產三男夏靈州井中龍見古浪靈臺大稔寧遠有
星隕四十八年九月十二日涼州西寧固原寧夏等
處地震靈臺縣大稔四十九年正月朔靖遠地震靈
臺縣稔五十年靈臺縣生員孟鐸妻一產三男五十
一年古浪所饑五十二年平涼崇信旱饑五十四年
臨洮靖遠固原旱華亭縣稔五十六年四月固原州
安寧堡等處黃河清五十七年五月二十一日臨洮
甘肅通志

卷二十四

祥異

九

鞏昌秦州平涼慶陽寧夏等處地震五十八年崇信
隆德旱五十九年臨洮旱至六十年五月乃雨平涼
慶陽等處俱旱饑六十年崇信靈臺旱涇州莊浪稔
安化縣城東雨蕎麥秋大稔六十一年涼州旱

雍正二年狄道老民祁增願年一百二歲秦州老民
丁守會平涼老民陳守諫竝年一百一歲臨洮衛老
民周隨安鹽茶廳老民張友竝年一百歲四年十二
月黃河澄清二千里五年環縣獻雙岐瑞麥五莖蘭
州精田產瑞穀自三穗至六穗共十三莖武威精田

產瑞穀自三種以至七種共一百七莖六年古浪大
稔麥穗長五寸許七年西寧穀穗兩岐八年六月寧
夏麥秀雙岐壬寅河州慶雲見歷午未申三時七月
壬申河州積石關上下黃河清三日八百八十里是
歲大有年寧夏產瑞穀一莖九穗九年七月固原鹽
茶廳民吳丕妻史氏一產三男

甘肅通志

卷二十四

祥異

三

甘肅通志卷之第二十四

終

甘肅通志卷之第二十五

陵墓

甘處邊陲原非都會郡邑舊乘羲黃二陵實屬傳疑不敢附會若夫名臣碩輔志士賢人冠劍所藏寢園可問豐碑古碣憑弔遺踪起敬思哀表章崇護禁樵置守司牧之責志陵墓

夏周祖不窋陵 在安化縣城東三里許碑刻剝落有石大書周祖不窋氏陵

商彭祖墓 在真寧縣城東六十里一云在宜君縣北

甘肅通志

卷二十五

陵墓

一

三十里彭村

伯夷叔齊墓 在隴西縣西南九十里首陽山前有

清聖祠祭田碑記史記注首陽山在河東蒲坂華

山之北河曲之中山西通志云首陽山在蒲州南

四十五里一名雷首伯夷叔齊隱此歿葬山麓墓

祠俱存今名二賢祠明楊恩有首陽山辨以隴西

者爲是

周老王墓 在安化縣西南二十里龍泉坡東嶺莫可

考爲周何王居民號天子塚

秦文公墓 在秦州東南麥積山下

左印明墓 在靈臺縣東北三十里寰宇記縣有左印明廟縣志謂廟側有墓

密康公墓 在靈臺縣西五十里

印將軍墓 在靈臺縣東郭外里許靈臺觀內

秦太子扶蕓墓 在寧州西十五里舊有碑

將軍蒙恬墓 在慶陽府眞寧縣北二十里

漢紀信墓 在秦州北門外墓傍有廟今廢

前將軍李廣墓 在秦州南二里石馬坪墓傍有故

甘肅通志

卷二十五 陵墓

二

宅今廢

營平壯侯趙充國墓 在清水縣北二里白土崖有

墓表

秦嘉墓 在通渭縣城川鋪

宗室墓 在涇州南五里相傳漢宗室塋此

平襄侯姜維墓 在伏羌縣西南五十里地名魏家

溝不數武又有姜氏墓維先塋也又傳明萬曆間

靜寧州南水洛城西南三十里山出一碑上題漢

驃騎將軍姜維墓維天水人遇難蜀中墓何以在

靜寧殊不可信

王符墓 在鎮原縣北二里

劉表墓 在固原州西寰宇記按從征記云劉表冢

在高平郡表子琮搗四方珍香數十石著棺中晉

永嘉中郡人衛熙發其墓見表貌如生香聞數十

里懼不敢犯

丞相塚 舊志在安化縣北二十里西川相傳公孫

昆邪之墓

義陽侯傅介子墓 在安化縣西七里明正德間郎

甘肅通志

卷二十五

陵墓

三

中都穆立碑表墓

丞相公孫賀墓 舊志在安化縣東南二十里林秋

原碑存

三國魏壯侯龐德墓 在隴西縣碧岩里

姜叙母楊氏墓 在伏羌縣

趙昂妻趙異墓 在伏羌縣

晉皇甫謐墓 在靈臺縣東北十里張敖家堡原上

權翼墓 在秦安縣權家衙苻秦時封翼安卽公

南北朝後周刺史石靖墓 在河州北原上

魏隴西公李虎墓 在伏羲縣西北八十里

後周唐公李昞墓 在伏羲縣西北八十里

後周苗光義墓 在寧州南四十里

南涼禿髮鹿孤墓 在西寧縣南十六國春秋葬於

西平之東南

楊難當墓 在成縣城西四十里有祠在栗亭西

名楊將軍廟

西涼武昭王李暠墓 在肅州西十六國春秋王葬

建世陵元和志在酒泉西十五里

甘肅通志

卷二十五 陵墓

四

隋薛舉墓 在蘭州古峯山後

尚書牛弘墓 在靈臺縣南五里

烈婦王氏墓 在清水縣東三十里車道溝渭州刺

史張崇妻盜逼守節而死

唐西平忠武王李晟墓 在狄道縣西二十里地名西

平莊蘭家灣 按西安府高陵縣亦有李晟墓

協律郎李賀墓 在隴西縣城南仁壽山袁家灣

文公李翱墓 在隴西縣南仁壽山郡志誤以爲李

白

文公權德輿墓 在秦安縣權家衙

秦州刺史姜墓 在清水縣北十里

祝英臺墓 在清水縣東五里

太尉節度使和文墓 在文縣西大渡壩

西平王李晟先塋 在洮州衙西六十里

吳侍御墓 在兩當縣嘉陵江上侍御名郁杜甫有

詩

牛仙客祖墓 寰宇記在靈臺縣南一里蒲川水西

石闕前有碑存

甘肅通志

卷二十五

陵墓

五

宰相牛僧孺墓 在靈臺縣南三十里

汾陽王郭子儀墓 明一統志在合水縣東南一百

二十里有碑子儀十一世孫訥刻

田總管墓 舊志在合水縣西南九十里漢城原

張果老墓 在真寧縣東七十里

武安府校尉楊文才墓 在武威縣城北三十里永

豐鄉之原

五代學士王仁裕墓 在禮縣東北古長道鎮境

宋忠烈侯劉滬墓 在靜寧州西北山麓春秋致祭鄉

人報賽有勅誥碑碣

大將軍劉錡墓 在靜寧州東郊北山麓有路碑存
涪國武安王吳玠墓 在靜寧州南一百二十里水

洛城北原

信國武順王吳璘墓 亦在州南水洛城北原四代

坵壠俱存

忠州防禦使姚兪墓 在隆德縣西北三十里有碑

弟姚貴墓附焉

隴西郡侯王德墓 在隴西縣西四十里有神道碑

甘肅通志

卷二十五

陵墓

六

存

太尉張嘉墓 在漳縣西三十里

太尉衛國公吳捷墓 在成縣北一十里

太尉楊政墓 在成縣東政原州人佐璘玠兄弟保

隴蜀

柱國王公儀墓 在西和縣西北白石口趙家町東

里許有神道碑

西和守諡襄節陳寅墓 在西和縣崆峒山北半里

許同時殉難二十八人墓在旁

殉節通判賈子坤墓 在西和縣

安撫使王韶墓 在岷州南半里金童山下

都元帥堪卜底節墓 在岷州城東七十里小石門

山下

將軍張吉墓 舊志在合水縣西四十里有宋張辨

軍碑

遊擊將軍董默墓 在真寧縣東三里銘碑俱存

西夏李氏墓 在寧朔縣賀蘭山下數塚皆繼遷等

墓

甘肅通志

卷二十五

陵墓

七

金總管陀滿胡土門墓 在狄道縣北元兵攻臨洮力

戰而死

會州守將郭斌墓 在會寧縣東山麓

學士虞仲文墓 在寧遠縣西二十里焦家峽

元帥忠烈侯郭蝦蟆墓 在靖遠縣西南二里小坪

山頂有石碑

元臨洮府尹祁安墓 在狄道縣北葉家坪

平章趙琦墓 在狄道縣城西

太師鞏昌安懿王完澤墓 在隴西縣東四十里沙

灣有神道碑

隴右王汪世顯墓 在漳縣南三里汪古山下

南安王汪惟正墓 在隴右王墓旁

學士趙世延墓 在禮縣西一里

丞相石吉連墓 在禮縣西一里

元帥石麟墓 在禮縣東三十里

梁國公趙國瑤墓 在禮縣

孟元帥墓 在合水縣西十里定祥原有碑

追封西寧王忻都墓 在武威縣西北平章事幹樂

甘肅通志

卷三十五 陵墓

八

之父以子貴封有碑記

西臺中丞遠都巴兒墓 在武威縣北三十里洪武

時其孫南水哥歸附賜姓汪

高昌王墓 在永昌縣北十五里聖容寺之次有勅

賜世勲碑記

永昌王濶端墓 在永昌縣東南一百二十里幹耳

朶城其西又有妃墓

明禮部員外許允德墓 在狄道縣東五里允德長安

人洪武初安撫西寧諸處番民歿後葬此

少卿劉杰墓 在狄道縣北四十里董家坪

會川伯趙安墓 在狄道縣東五十里闕家嶺

布政使石執中墓 在蘭州西十里土門

都督劉昭墓 在河州南一十五里

尚書王竑墓 在河州東萬頃原下

布政使朱紳墓 在河州東二里

按察使馬應麟墓 在河州西三里

肅王墓 莊王康王簡王恭王靜王定王昭王懷王

懿王九代俱在蘭州城東五十里平頂峯

甘肅通志

卷二十五 陵墓

九

安王墓 在蘭州古峯山後

指揮汪壽墓 在隴西縣南一里

郎中韓縉墓 在隴西縣南一里

太僕卿宋琮墓 在隴西縣南一里勅塋

巡撫范鏞墓 在隴西縣南一里

叅政楊仕敏墓 在隴西縣東三里

副使道忠烈關永傑墓 在隴西縣南二里

忠烈通判李茂實墓 在隴西縣西

都督种勳墓 在隴西縣南一里

平羌將軍雷龍墓 在隴西縣西北三里

員外王廷瑀墓 在安定縣好地掌

副使道張嘉孚墓 在安定縣南安山

郎中張勵墓 在安定縣王端毅爲作碑

忠節同知劉躍龍墓 在安定縣

都御史曹銘墓 在會寧縣東十五里

布政使栗在庭墓 在會寧縣古堆坪

叅政張勛墓 在會寧縣

孝子漆金墓 在伏羌縣

甘肅通志

卷二十五 陵墓

十

烈女何武英墓 在伏羌縣有祠墓在祠後

御史王愨墓 在寧遠縣西五里

御史趙克欽墓 在寧遠縣西五里石嶺舖

安慶道王璠墓 在寧遠縣東十里

三烈墓 西和縣令耿桂芳長男婦王氏次男婦嚴

氏女耿五姐同時殉難有碑在今縣治南街西

靖節庠生薛國貞墓 在西和縣王旗寨

都督同知李光啟墓 在靖遠縣東南八里烟洞溝

內

中書平章李思齊墓 在岷州西北明洪武七年賜

祭墓

刑部侍郎張錦墓 賜祭墓在岷州西

叅政王鐸墓 在岷州北

巡撫都御史於敖墓 在岷州西北

韓王墓 懷王靖王惠王悼王康王昭王莊王敬王

墓俱在平涼縣東南

韓藩諸王墓 襄陵王在平涼縣西北樂平王在縣

東北褒城王通渭王俱在縣東漢陰王平利懷簡

甘肅通志

卷二十五

陵墓

十一

王俱在縣南

慶藩安惠王墓 在平涼縣西北

都御史趙時春墓 在平涼縣南四里

都御史周鑑墓 在平涼縣西南五里

崇信知縣龐瑜墓 瑜明末殉難贈固原州知州遺

塚在武康王廟前

韓恭王墓 在涇州西北十五里

張御史墓 在靈臺縣境相傳爲人才御史在右集

原

楊可教墓 在靈臺縣西啟祥堡北二里鳳翅原

楊可立墓 亦在鳳翅原兄弟俱以理學名世

張聚賢父墓 在靈臺縣西三十里天啟末賢父亡

葬之日雷雨賢痛哭遂廬墓旁每晨於百步外膝

行取土號泣覆塚上三年高澗積數丈

烈女墓 在靈臺縣西五十里吉白堡之北藍菊崖

萬曆末女被賊掠投崖而死土人葬之墓生藍菊

一叢因名其崖而女逸姓氏

中丞楊綸墓 在安化縣南十里子參議朝鳳從葬

甘肅通志

卷二十五

陵墓

三

勅修諭祭有碑

兵部侍郎陳震墓 在安化縣北三里子兵備大綱

從葬

戶部侍郎韓昺墓 在安化縣南十里子僉事守愚

從葬

甘肅總兵劉文墓 在安化縣南十里有諭祭碑

參議張鵬翰墓 在安化縣北田家城

御史張理墓 在環縣北七十里

征西將軍魏鎮墓 舊志在環縣北十里

彰德通判魏璉墓 在環縣北七十里

戶部主事胡獻金墓 在環縣南十里

遵義道殉節趙邦清墓 在真寧縣東于家庄

按察使張清墓 在寧州城東二里

知府馮時墓 在寧州北三十里

巡撫呂經墓 在寧州南二里

戶部員外周達墓 在寧州西三里

贈光祿寺少卿忠節王信墓 在寧州南三里勅修

崇信伯費斌墓 在張掖縣南二十里

甘肅通志

卷二十五

陵墓

七

副總兵劉廣墓 在張掖縣西三里

都督李文墓 在張掖縣東南十里

獻縣明經劉碩墓 在張掖縣城西附郭

忠剛公張達墓 在武威縣城東五里事見忠節

懷遠將軍張玉墓 在鎮番縣城西有正統諭祭文

勅葬

武德將軍王剛墓 在鎮番縣城北三里其諭祭賜

葬與張玉同時

伏羌侯毛忠墓 在古浪縣城西四十里成化間賜

葬今黃羊川北山下

都督魯鑑墓 在平番縣城西一百二十里石城山

勅葬

總兵官張顯謨墓 在平番縣城西勅葬

慶王墓 靖王康王懷王莊王恭王定王惠王端王

憲王九王端和世子並慶藩分封之眞寧安化弘

農豐林壽陽延川華陰諸王墓俱在靈州之韋州

堡蠡山上

安塞王墓 在寧朔縣賀蘭山乾溝口安塞亦慶藩

甘肅通志

卷二十五

陵墓

四

分封者

總兵張泰墓 在寧夏縣東十里

叅政張銳墓 在秦州崦嵫山

副都御史夏景和墓 在秦州

副使胡來縉墓 在秦州西天靖山

布政使楊名顯墓 在秦州

將軍馬世榮墓 在清水縣筆架山下

巡撫胡纘宗墓 在秦安縣青龍山

郎中侯一元墓 在秦安縣七星山

禮部尚書門克新墓 在禮縣西二里賜祭墓

給諫馮均臣墓 在兩當縣

松潘副使王存禮墓 在階州舊城內

蘄州知府汪潑墓 在成縣北二里

都督汪興祖墓 在文縣北五里關

按察使王繼禮墓 在文縣

忠義墓 張文貴文富兄弟同死王事在文縣

國朝奮威將軍王進寶墓 在靖遠縣北打喇赤十里北

山下

甘肅通志

卷二十五

陵墓

五

勇畧將軍雲貴總督趙良棟墓 在寧夏城東張鎮

堡渠東之原

甘肅通志卷之二十六

封爵

歷代分封因革不一皆以篤本支報有功也魏析五等之爵隋減三等之制開國品爵肇於唐時加封實邑詳於宋代越元與明具有定制其在甘肅各郡者載在史冊輯錄如左志封爵

夏不窋 后稷子后稷封於邠卒不窋立夏后氏政衰弃稷不務不窋以失其官而犇於戎翟之間不窋卒子鞠立鞠卒子公劉立公劉修后稷之業徙都于邠

甘肅通志

卷二十六

封爵

一

括地志云故在慶州弘化縣南三里卽其所居之城今遺址尚存

商密 密須氏姑姓之國詩大雅皇矣曰密人不恭敢距大邦侵阮徂共王赫斯怒爰整其旅以遏徂莒地理志云今寧州一統志在今靈臺縣

阮 國名詩曰侵阮徂共共阮國地名今涇州共地

周秦非子 秦國名虞舜時伯益佐禹治水有功賜姓

嬴氏其後七世孫名非子者事周孝王養馬於汧渭

之間馬大蕃息孝王封爲附庸君秦谷使續嬴氏至

曾孫秦仲宣王命作大夫既而西戎反殺秦仲其子
莊公伐西戎破之後西戎與犬戎侵周殺幽王莊公
子襄公救周有功周徙洛襄公以兵送平王平王封
襄公爲諸侯遂有周西都畿內八百里之地

漢洮陽侯劉猗 燕長沙定王第十四子武帝封無後
今臨洮府

安定侯劉賢 燕刺王子宣帝封子延年嗣孫昱嗣
免今平涼府

陰平侯劉回 楚孝王子成帝封子詩嗣免今階州

甘肅通志

卷二十六 封爵

二

文縣

西平侯于定國 東海郟人宣帝時以丞相封子永
嗣永卒子恬嗣更始元年絕今西寧府

東漢安定公孺子嬰 宣帝元孫也王莽居攝立爲皇
太子莽卽眞廢爲安定公

西平王李通 南陽苑人王莽時爲五威將軍從事
新市兵起通勸光武起兵更始立以通爲輔漢侯至
長安封西平王

定遠侯班超 平陵人武帝時使西域爲都護以安

集諸國納質內屬功封

按靈州有定遠城舊志云唐郭元振置漢時未有也

三國魏鶡觚男傳元

北地泥陽人以典農校尉稱職

封

晉隴西王司馬泰

宣帝弟武陵受禪封邑三千二百

戶

秦獻王司馬東

武帝子泰始初封汝陽王後徙封

秦邑八萬戶今秦州

西平郡公張軌

安定烏氏人永寧初爲護羌校尉

涼州刺史以破鮮卑功封安樂鄉侯進封西平郡公

甘肅通志

卷二十六

封爵

三

立十三年薨謚武公子寔嗣立進位大都督涼州牧

侍中司空承制行事六年爲閭沙等所弑謚昭公弟

茂嗣五年薨謚成公兄子駿嗣時羣僚勸駿稱涼王

駿不許然自後境內皆稱之爲王立二十二年薨謚

文公子重華嗣始自稱持節大都督太尉護羌校尉

涼州牧河西公假涼王立十一年薨謚昭公子曜靈

嗣爲伯父長寧侯祚所弑謚哀公祚篡位改元爲和

平元年三年爲張瓘等所弑曜靈庶弟元靚嗣廢和

平之號復稱晉正朔立九年薨爲天錫所弑謚冲公

天錫立十三年秦王堅遣將苟萇伐之天錫兵敗降秦自軌爲涼州至天錫凡九世七十六年

涼公李暠隴西成紀人呂光末燉煌人推暠爲太守六郡推暠爲大都督大將軍涼公領秦涼二州攷義熙元年暠改元建初遣使奉表詣建康立三年薨國人謚爲武昭王子士業嗣改元爲嘉興爲沮渠蒙遜所敗死國亡暠以晉安帝隆安四年立至宋少帝景平元年滅凡二世二十四年

按史稱晉祚中微羣雄割據惟二涼累世不失藩臣

甘肅通志

卷二十六

封爵

四

禮故晉書述於列傳

酒泉公賈疋武威人愍帝時爲雍州刺史封今肅

州

南北朝宋洮陽侯宗愨南陽涅陽人以征伐功封

金城侯劉緬彭城人孝武時以討竟陵王功封今

蘭州

梁洮陽侯張弘策范陽方城人武帝母文獻后從弟

帝起兵以定策功封

後魏安定郡公胡國珍安定臨涇人肅宗時以外戚

封薨子祥襲

臨涇子胡方回 安定臨涇人世祖時以征涼功封

安定公念賢 枹罕人以軍功封伯後進爵至安定

郡公

北齊安定公金祚 安定人神武時封

始臧侯段榮 始臧人以功封

西平伯平鑿 燕郡薊人以軍功封

後周秦王宇文贄 武帝子建德時封

上邽公李賢 隴西成紀人以功封今秦州

甘肅通志

卷二十六

封爵

五

武威公王雄 太原人以戰功封子謙嗣今涼州府

臨涇子蘇亮 綽從兄文帝時以功封今涇州

武威公韋藝 杜陵人以擊尉遲迥功封

張掖公王傑 金城直城人以戰功封今甘州

武都公賀若敦 河南洛陽人其先居漠北爲部落

大人敦西歸周文積封至公今階州

清水公楊薦 秦郡寧羸人以迎孝武功積封至公

今清水縣

隋秦王楊俊 文帝子開皇元年封

臨涇公牛弘 安定鶉觚人周時襲封

金城公趙斐 天水西人文帝受禪以進璽綬功封
唐隴西王李博文 梁王澄子武德初例封

隴西郡公李思訓 郇王曾孫中宗時以宗室耆舊
封

涼王李璿 元宗第二十九子開元二十年封薨子
仕爲安定郡王

涇王李挺 肅宗第七子至德二年進封興元元年
薨

甘肅通志

卷二十六

封爵

六

西平王哥舒翰 其先本突厥人天寶中封

武威郡王李光進 光弼弟營州柳城人代宗卽位
封涼國公永泰初遷封

張掖郡王段秀實 姑臧人代宗時封

西平郡王李晟 洮州臨潭人爲鳳翔隴右節度使

德宗時封

涼國公李愬 晟子憲宗時以平蔡功封

涼國公李聽 晟子太和中以功封

隴西郡王李克用 僖宗時以破黃巢功封

宋秦王趙廷美 太祖弟太宗卽位封齊王繼封秦王
安定王趙元備 太宗子初封涇國公眞宗卽位進

封

金城侯趙德潤 廷美第七子

洮陽侯趙德存 廷美第九子

元秦王怱哥刺 世祖第三子至元十年益封其府在

長安者爲安西在六盤者爲開成皆聽爲官郎十七

年薨

隴王火耶撒 太宗曾孫至大元年封

甘肅通志

卷二十六 封爵

七

肅王寬撒 天曆二年封

西寧王忽答里迷失 天曆二年封速來蠻天曆三

年封

明肅莊王朱橫 太祖第十四子洪武十一年封漢王

二十四年改封肅王于甘州建文元年內徙蘭州永

樂十七年薨謚曰莊子瞻焯嗣薨謚曰康子祿埤嗣

薨謚曰簡子貢鏞嗣薨謚曰恭子靖王未封薨子弼

枕嗣薨謚曰定子縉焯嗣薨謚曰昭子紳堵嗣薨謚

曰懷無嗣靖王之孫弼柿子縉燻以輔國將軍理府

事尋准封薨諡曰懿子神堯嗣薨諡曰憲子識鉉嗣
闖寇入城遇害

安定王朱尚炆 太祖孫愍王第六子永樂十六年
以罪廢爲庶人

慶靖王朱梅 太祖第十六子洪武二十四年封慶
陽二十五年徙韋州建文三年徙寧夏正統三年薨
諡曰靖子秩燿嗣薨諡曰康子遠墾嗣薨諡曰懷無
子弟遠墾以岐陽王紹封薨諡曰莊子眞壑嗣薨諡
曰恭子台泓嗣有罪降爲庶人薨復王爵諡曰定子
甘肅通志

卷二十六

封爵

八

端和世子未封薨無子弟薰枋以桐鄉王紹封薨諡
曰惠子倪燿嗣薨諡曰端子伸域嗣薨諡曰憲子帥
鉉嗣明末國絕

眞寧莊惠王朱秩榮 靖王第三子薨子康簡王嗣
薨子溫穆王嗣薨子榮僖王嗣薨子安惠王嗣薨子
恭簡王嗣無子

安化惠懿王朱秩炆 靖王第四子薨子恭和王未
封薨

西平侯沐英 定遠人洪武十年以功封後徙鎮雲

南

鞏昌侯郭興 鳳陽人洪武三年以功封

平涼侯費聚

西寧侯宋晟 懷遠人永樂三年以功封

甘肅通志卷之第二十六

終

甘肅通志

卷二十六

封爵

九

